



Universitätsbibliothek Paderborn

Cavtio Criminalis, Seu De Processibvs Contra Sagas Liber

Spee, Friedrich von

Francofurti, 1632

30. Quae praecipue documenta Confessariis Sagarum tradenda putemus.

urn:nbn:de:hbz:466:1-11133

& incendio interiore vexat, ne non
mni studio iis me incēdiis interponam.
quæ metuo ne sinistior quis flatus ei-
iam in immerētes impellat. Argumen-

NB tum est quoddam penes me, occultum
adhuc; reuelandum suo tempore ac lo-
co; quo id mihi penitus persuadeo, non
nullatenus dubitem, inter quaslibet
QVINQVAGINTA ad rogum condemna-
tas, vix quinque aut vix duas nocentes
interesse. Audiat vero quisquam Magi-
stratum id manibus palpare velle, da-
bo operam suo tempore vt palpet; nam
& supra promisi dubio II. ratione 8.
Sed frustra.

D V B I V M XXX.

*Quæ præcipue documenta Confessariis Saga-
rum tradenda putemus?*

RESPONDEO, Rogabat me nuper
Sacerdos quidam Sempronius, vt
quoniam videretur ad reorum confes-
siones adhibendus, breuiter instrue-
rem in nonnullis, quæ vtilia scitu essent.
Negavi primum, & sanc causam dedi.
Nam, mi Semproni, inquam, persuasum
ego

ego quidem habeo, qui Confessarij partes apud incarceratos hoc tempore in periculosissimis Sagarum causis fungi velit, officium hoc eius esse, ut medius intercedat, non inter Reos & Iudices, ut moriantur; sed inter Reos & Deum, ut qualecunque fuerint, seu nocentes, seu innocentes, saluentur; Suum sibi forum Iudices habeant, Sacerdos suum. Vel igitur officium hoc tuum facturus es, vel non facturus: si hoc posterius, nolim instruere qui quod instruendus sit amplecti non velit; si prius autem, instruere non est necesse; Illico te cura omni Iudices absoluunt, ac de alio sibi prouidebunt, qui fora confundat, quæ exempla non pauca vidi: Ut proinde non sit, quod quenquam instruam, cum vel vti non volet, vel vti non poterit. Refutauit me tamen ille, cum sic instaret: Ego vero, inquit, quod officium boni Sacerdotis esse cognouero, facturus sum. Vel tum me retinebunt, vel amo-uebunt; si prius, fruar utiliter instructio-ne; si posteriorius, non inutilis quoque fuerit, cum id inde confirmatius euadat.

P 3

quod.

quod iam ante persuadere vis, timendum scilicet, ne iniqui multi Iudices sint: quippe cum id præsumi possit, nec conscientiis reorum nisi per impec-
ritos, & officij sui immemores conful-
tum velint. Itaque sequentia fere docu-
menta sunt, omissis aliis iam tum notis,
quæ maxime notari proderit.

DOCUMENTVM I. Quando audio, nunc passim ad has causas adhiberi religiosos, curen^t eorum superiores vt eos mittant qui Christi Domini nostri spiritu sint prediti, mites, mansueti, deuotio-
nis laude commendati, iudicij accurati,
& probatæ prudentiæ in Domino, quiq;
animis hominum occupandis, perno-
scendis, scrutandisq; cordium secretis,
tum & conterendis peccatoribus ope-
ram & experientiam sumpserint: Non impetuosi, nec affectibus seruientes, sed omnia ad libellam rationis & doctrinæ
expendentes. Curen^t etiam per adiun-
ctos eis socios diuersos intelligere, nun-
quid iudicentur imprudenter, aut secus
gerere: plurima enim sape admittunt
nimis quam corrigenda.

Do-

DOCUMENTVM II. Confessarij ad carceres destinati postulent in primis directionem à liberalissimo Patre luminū, commendent deinde ei animas libertoris nostri sanguine redemptas, agant denique cum reis ipsis suauiter & paternè, ut ad veram eas pœnitentiam adducant, seu reas se fassæ sint, seu non sint. Nec de hoc ut fateantur eis primum facient mentionem, sed differant, & prius in genere ea afferant quæ ciere contritionis motum possunt: explicitent iis cum aliquo affectu & facundia Christiana, qui noster ille mitissimus sit DEVS, Pater misericordiarum, & totius consolationis, qui vel vñigenito suo pro nobis non pepercit. Adducatur Parabola indulgentissimi illius Patris, qui reuertenti filio suo perditissimo se in collum lachrymans infudit, & quantumuis ante peccatis filij constrictum pectus, in omnem nihilominus clementiam dissoluit. Non esse DEVUM nostrum qui Dij sunt Gentium, qui iras ponere non possit: captum semel incredibili humani generis amore longius progressum, quā

ut reuocare amoris sui pacta nūc liceat:
Exstare in Diuinis libris pacti æterni iu-
ramentum eius irreuocabile per semet-
ipsum: Quia si fuerint peccata nostra
sicut coccinum, quasi niuem tamen de-
albanda fore: sed & Aduocatum apud
eum esse filium cius vnigenitum cruci-
fixum, qui & nouerit figmentum no-
strum, & vero causam nostram quan-
tumcunq; grauissimis criminibus con-
fessam, sua aduocatione erigere, susten-
tareq; velit, &c.

His & similibus magno studio labo-
rent singulos ad dolorem de peccatis
conciendum, agendumq; seriam pœ-
nitentiam inuitare. Neque enim nega-
re se Legifer noster potest, vt non ani-
mos quorumcunque peccatorum, sa-
luberrima compunctione frangant vi-
ri ij, quos se hominum piscatores factu-
rum, ipse verbis veris pollicitus est: Cla-
rissima verba sunt, & oracula Filij DEI,
quibus fidem detrahere, naufragari est
in fide. Hac igitur sponsione subnixi
Ius suum sibi vendicent: usurpent, da-
tum sibi ministerium reconciliationis:

redu-

reducant per contritionem, qui per vi-
ta licentiam à Deo longius aberrarint.
Ita enim fiet, vt peccatorum vinculis
attritis, mollitisq; animis per colloquia
sanctorum, nihil obstet quin omne vi-
rus non solum ad sacroruū Sacerdotum,
sed etiam Iudicium tribunal facilius ef-
fundant. Hæc est enim contritionis seu
pœnitentiæ natura, vt vbi in animum
recepta semel est, obstinatio & tacituri-
nitas (si modo vere Rei sunt, quod quæ-
rendum non supponendum est) habi-
tare non possint. Optimum hoc & sua-
uissimum torturæ genus est ad vocem
soluendam. Hic artem suam exerceant
Sacerdotes illi, de quibus supra cōque-
rebar: & si zelum Dei habent, non prius
Iudices instigent ad expediendas tor-
turas illas sœuas & sæpe nimium crude-
les, quam ipsi hac sua tortura sacra vñi
sint, id est, salutari de peccatis compun-
tione animos Reorum lacerauerint:
Hic acuant ingenium, & vires suas o-
mnes explicit, vt faxea multorum pe-
ctora diuini sermonis vi, & impetu spi-
ritus comminuant. Nec est denique,

quod Sacerdotes probos & feruentes
non paulo plus docebit , quam si Iudi-
cum sœ uitiam imprudenti instigatione
excandefaciant. Nam inuehere inhu-
maniter in captiuas & afflictas : identi-
dem illis molestum esse , & quasi certis-
fimo de earum reatu iam constet , nul-
lam eis sinere quietis partem : odiosis
cognominibus laceffere: apud Iudices
tradicere , & similia quæ supra memo-
rata sunt dubio 19. Non est sane quis-
quam in foro tabula tam hebes , qui
non æque possit. At vero pertinaciam
hanc talem diuina vi sermonis frange-
re , mollire animos , cor impœnitens
compungere,nemo potest,nisi manife-
sto Dei spiritu instructus.

DOCUMENTVM III. Non probo igi-
tur Confessarios , qui hoc primum hoc
vltimum imo solum agere videntur, vt
modo confiteantur rei, nil celent. Itaq;
non nisi Confiteri,& Confiteri ingemi-
nant: cæterum autem de Conuersione
seria ad Deum , de dolore animi vehe-
menti, de detestatione peccati super o-
mnia, vix tenuiter mcminerūt, nedum

vt

ut præcipuum hic conatum & follicitudinem adhibeant quo tales actus , tam difficiles , à peccatoribus & quidem talibus, si vere rei sint, impetrrent.

Itaq; dum Confessi duntaxat rei sint, id est, omnia peccata sua ad lōgum & enucleate recitauerint, iam salua & tuta sunt omnia; iam appellant filios æternæ vitæ , iam vere pœnitentes moriuntur, quicquid tandem fit de contritione. Existimo autem ego, nisi me Theologia mea fallit , non ita facile reconciliari posse infinitam Maiestatem; sed insigni quadam opus esse follicitudine, ad non vulgarem animi dolorem , preces , gemitus , & clamores cordis cum confefſione coniungendos.

DOCUMENTVM IV. Non putant plerique expedire , vt rei antequam in foro externo causam suam tranſegerint , ad internum vocentur ; sed suadent eo vſque hoc differri,dum in externo omnia liquida sunt , ita Delrius lib.6.c.1. Sect.3. atque vſu fere ordinario recipitur.

DOCUMENTVM V. Expedit tamen , vt paulo ante dixi , per visitationes
& col.

& colloquia Sacerdotum Reos disponi ad pœnitentiam, compunctionem, & seriam ad D̄eum conuersionem , cum primum fieri potest : id enim profuturum scio , non solum ad confessionem sacramentalem , sed etiam profanam, quæ hac via tutius feliciusq; quam per torturas obtinebitur. Et ad Sacramentalē quidem omnino hæc compunctionio necessaria est, ut præcedat: Sacramentalis enim esse non potest, nec ad salutem proficia , nisi ex prævia compunctione orta sit: illius hæc filia debet esse , aut esse non potest. Vnde rursum confirmo quod dicebam ; id potius laborandum Confessario, ut conterantur Rei , quam vt fateantur. Nam fateri quid attinet, ni contriti sunt ? si contriti autem iam sponte sequitur confessio, si quidem sunt Rei.

DOCUMENTVM VI. Etsi amplectere-
mur sententiam Delrij, docentis, licere
Iudici æquiuocatione sermonis , aliove
quo dolo bono reos circumscribere: id
id tamen fieri à viris spiritualibus nulla-
tenus permitteremus.

Ra-

Ratio est, ne ministerio eorum, atq; ordini inuratur nota, quæ non tam facile seculari Iudici adhærescit. Scio contigisse, vt cum Sacerdos quidam Reo cuiquam æquiuoce promisisset mitigationem supplicij, nec eam deinde conserveret; ita turbatum esse hac deceptione, vt vix tandem obtineri potuerit, vt ante mortem se extrema expiaret pœnitentiæ purgatione.

Caveat igitur confessor, vt aliter, quā fidelem Christi imitatorem decet, in hac re se gerat; ne se deceptum esse quisquam merito queratur ab eo, quem Dei fuisse loco agnouit.

DOCUMENTVM VII. Omnino autem dedecet, si viri spirituales, vt nonnullos audio fecisse, suggestant Iudicibus torquendi modos, nisi forte mitiores. Lictorum hoc non Sacerdotum munus est.

DOCUMENTVM VIII. Sed nec decet, si tormentis palam intersint & spectent, vt bene monet Delrius lib. 6. cap. 1. sect. 3 propter irregularitatis periculum, vt ipse ait, & scandalum. Sed interim tamen

men non video, cur non alicubi ex occulto ea arbitrari per rimam; aut fennstellam possint. Ratio: nam aberit & irregularitatis periculum, & scandalum cum nemo sciat: & vere proderit, ut quam cruda & periculosa ea res sit, ipsi suis oculis usurpent. Quod si concilium Antisiodorensē Can. 33. vetat Presbyteris ac Diaconis ad Trepalium stare, ubi Reitorquentur, id explicandum puto; ut vetet stare palam.

DOCUMENTVM IX. Imo vniuersim non plane negliget prudens Confessarius, ut scire saltem ruditer laboret, quā rite iudiciales processus instituantur. Ratio est; tum ut secundum ea prudenter possit cum reis in foro conscientia procedere; tum & Iudices, si opus esse videretur, officij commonefacere. Ita nuper totidem verbis religiosi cuiusdam ordinis Visitator monuit suos, qui ad carceres itarent, in Epistola quadam encyclica, quam quidam eius ordinis religiosus mihi monstrauit.

DOCUMENTVM X. Displicuit mihi nuper Confessarius, qui primo suo in carcerem

cerem ad quampiam aditu, vt eam tanto melius ad confessionem adduceret, denunciabat ei, conclusum esse apud Iudices de eius morte, faceret igitur officium. Praeclara vtique benevolentiae captatio! Existimo enim Sacerdotem dedecere, vt cuiquam mortis nuncium afferat, neque id aptum esse medium (nisi forte in plane impoenitentibus ac desperatis, quibus alia non profuerunt) ad recte hominem Deo conciliandum; cum habeam experientia, plerosque, aut saltem multos, etiam alioqui strenuos viros, audita mortis denunciacione, ita vehementer consternari, vt ad adeo præclaras mentis functiones sint inhabiles. Tristia igitur alios nunciare sibant Sacerdotes: Ipsi ea afferant, quæ consolationi esse possint.

DOCUMENTVM XI. Laboret autem prudens Confessarius, vt reorum animos sibi potius arctissime deuinciat; quod fiet, si declareret venire se, non vt Iudicem, sed Patrem, qui personam acturus sit paracliti, in spiritu Filij Dei. Explicit igitur quid inter Sacerdotum & secularium

rium Iudicum officium, & intentionem
intersit: Apud hos, si qui reus sit, de pœ-
nis agi: apud illos , de condonatione:
Non esse igitur quod metuant, quin o-
mnem animum penitus aperiant , &
quicquid angat, explicent: agant secum
fidentissime: non suspicetur quicquam
fraudis, non diffidant: se monstraturum
esse eis affectum eum, quem fidelissimus
pater amantissimis suis pignoribus un-
quam possit : Condolere vero & com-
pati eorum miseriis: sed & tangi dolore
cordis intrinseco , non secus, quam si
propria res agatur: Quod si eos adiuua-
re qua ratione posset, non dubitaturum
proprio sanguine subuenire: atque igit-
tur, non parum sibi ægre esse, quod id
non liceat, nec nisi soli animæ prodesse
possit. Et nunc, huic sane omni studio
consulturum: nunquam vero se eas de-
serturum, sed vtcunque res cadant, af-
futurum ad extremum articulum; ere-
cturum animos, additurum spem & ro-
bur ne concidant , aut abundantiore
tristitia absorbantur ; & id denique o-
mnimodo acturum ut queri nō possint,

ūlum sibi defuisse consolationis genus.
Hæc enim & similia, quæ fidelitatem &
Apostolicum spiritum sonant, si propo-
suerit; mirifice sibi reos astringet, vt ad
hunc velut charitatis funiculum; seu
habenam duci se finant quo libeat, pro-
ut sæpe sum expertus.

DOCUMENTVM XII. Potissimum vero
eos securos reddat etiam stipulata ma-
nu, & si opus sit, iuramento apposito,
quicquid secum vtpote cum viro spiri-
tuali etiam extra confessionem locutu-
ri sint, ne verbulum, quod ipsis nocere
queat, seu quod nolint, ad externi fori
Præsides foras effluxurum.

DOCUMENTVM XIII. Imo & iuuerit
distincte addidisse: quod quicquid se-
cum agant, id nec si maxime nocentes
sint, obesse eis possit; nec si maxime in-
nocentes, prodesse: Sibi enim nullum
cum Iudicialibus personis in his causis
commercium sermonis esse; nec illos
Sacerdotibus in his quicquam credere,
aut audire; sed iuxta propria Iura & or-
dinem procedere: tatum igitur se inter
reos & Deum posse mediū intercurrere,

Q

& quic-

& quicquid fiat de corpore , id efficaciter agere , vt spiritus seruetur , & ad illa domicilia perueniat beatorum , qua cum Dei filius pœnitentibus pollicitus semel sit & mercatus à Patre , iure iam suo repeti possint à peccatoribus omnibus, et si alte demersis. Ita dum nec obesse , nec prodeesse nisi quo ad animam eis posse persuaserit, quæ secum secreto communicent ; obuiabitur tum iis, qui vt à Confessario iuuarentur innocentes esse vellent, tum iis, qui & nocentes esse mallent ne proderentur , & ad torturas reducerentur. Nam

DOCUMENTVM XIV. Doceo Confessarios vt certissimò sciant , plurimos esse, qui etiam in ipso sacramento nocentes se, cum non sint, fateantur : (vt ipse xp̄ius , & alij mecum religiosi viri manifeste nos ipsos conuicimus) idq; ideo vel quia importuni Sacerdotes sunt, quorum impetum aliter euitare non possint , de quo repete dicta dubio 19 vel ne, quod dixi , in quæstiones repeatantur. Sic enim simpliciores multi existimant, oportere Sacerdotes quæ quo-

mo-

modocunque à reis audiant , personis
iudicibus referre , atque ob hanc i-
psam industriam eos ad se expiscatum
mitti: nec , nisi difficulter , quidam in
cōtrariam sententiam reflecti possunt ,
maxime cūm & id eis persuadeant li-
stores; dum verentur , ne quo modo sibi
prædæ elabantur , siquid reuocent apud
Sacerdotes. Miseria hæc est oppido no-
tanda , & inscitia iuuenum Sacerdotum
lachrymis deflenda. Atque ego quidem
qui sic in sacramento mentiti sint , da-
mnare non ausim: quin potius excusari
posse nuper docui , ob simplicitatem ,
perturbationem , & similia. Verum ta-
men , quod & non reuocent quos com-
plices nominarunt , & vehementiori
hoc conscientiæ scrupo pressi maiore
cum dolore (quem quo tectiore causa ,
eo feruentioribus pœnitentiæ signis a-
pud Deum contestantur) decedant; at-
que hinc fiat , ut tanto confirmatius & i-
psæ tam eximie pœnitentes , & alię ab eis
denunciatę rex habeantur , minusq; ex-
inde dubitet Germania , quin maleficiis
sit plena , res hæc admodum conuulsa

Q 2

& ab-

& abrupta est. Ut nesciam, quid satis plagiā. Porro cum ut dixi, multi metuan vel ex ipso Sacramento prodi; quid mirum, si quādō extra illud cum iis Sacerdotes agūt, plures sunt qui id formidant. Itaque mihi constat, non nullos etiam alias prudētes viros magiæ falso insimulatos & captos, tum ob eum metum quidixi; tum quia nihilominus de se actum videbant, nec ullam solidam Sacerdotum accendentium consolationem sperabant, ideoq; præ desperatione & stomacho loqui amplius pro se dignabantur; tum quia alia ratione declinare nonnullorum importunitatem non licet, non aliter quam pro reis se apud quoescunque extra confessionem gesse: ac cum vterius multa rogarentur, omnia consequenter annuisse, & finxisse, quæ cœpta semel fabula exegisset. Quare cum hæc ipsa deinde spirituales illi viri simplicissimi passim spargerent, & hinc criminis huius contagionem mirè exaggerarent, quid poterat fieri aliud quam ita omnes in concepta semel opinione de multitudine maleficorum

con-

confirmari , vt nemini iam sano de ea
dubitare in posterum liceat ? Longum
nimis sit, si hic exempla inseram Sacer-
dotum illorum, qui ita turpiter decepti
& se & alios miris & grandibus inanis
impleuerunt.

Itane vero inter eos, etiam religiosos
& Apostolicos esse viros , qui versati
cum reis multum sint, atque hæc non-
dum deprehenderint, sed iam omnia se
tenere putent, si modo rei eis crimen,
seu intra seu extra sacramentum , vere
seu falso fassi sint? Vbi nunc ergo Euan-
gelica illa prudentia serpentina : vbi
gustus ille sanctorum , quo & gustari
quasi innocentia quorundam posset,
etsi alia unde colligeretur deessent? Vbi
illud Apostoli, quod aiebat, *quoniam spi-*
ritualis iudicat omnia, 1. Cor. 2. 15.? An non
amplius distributiones huiusmodi gra-
tiarum in Ecclesia sunt? Vx Confessariis
qui committere se rei periculosæ au-
dent , & non plurima cogitatione o-
mnia versant , ac creberrimo gemitu
dies noctes Deum pulsant, ad obtinen-
da consilij & scientiæ dona.

Q 3

Quic-

Quicquid sit, animaduertat diligenter Confessarius. Et cum non aliter a pudoreos egerit, quam induita persona Christi: cumq; eo solum reos adduxerit, ut ipsi plane confidant, admiranda quedam sensim discet, quæ adhuc ignorat. Gratias mihi non pauci Sacerdotes egerunt, quod hac vna via apertos sibi in multis oculos fuisse experti essent, cum prius nescio quo impetu rapti alter omnia existimassent.

DOCUMENTVM XV. Non solum autem reos securos reddat de taciturnitate sua Sacerdos, verum etiam reipublicam seuere colat: Ita ut neque quæ extra confessionem cum eis agit, temere foras exportet: Id quod ante citatus Visitator omnes suos in dicta epistola differte quoque admonuit: Et quidem omnino prudenter. Nam rationes iste sunt:

I. Sic saepe incauti quidam, dum consulere captiuis volebant, nouam eis torturam causarunt.

II. Irregularitatis saepe periculum est cum facile garrulitate sua, aliove signo

motu

mortis sententiam efficaciter promouere possint. Sunt enim Iudices plerique, ut ipse annotauit, & monet quoque Delrius, qui id agunt, ut à Confessariis signum aliquod captent, quo captiuū constantes, id est, nocentes, innuantur: quod vbi furtim incautis abstulere (quanquam nunc suffurari tale quid non sit opus, cum passim insulti Sacerdotes (absit verbo iniuria) ipsi sponte perfluant rimarum pleni) tum demum abrupta ulteriore hæsitatione ad condemnandum accedunt: Quo pacto gloriantem nuper Iudicem audiebam, cum diceret: se vero ne impingat, in neminem adhuc haec tenus capitali pœna animaduerti iussisse, nisi quem prius à Confessario intellixisset in culpa versari: satis innuens quam *efficaciter* ad reorum cōdemnationem Sacerdotes concurrent. Placet Sacerdos ille, vir mihi amicus, quem cum Iudices subinde rogant, maneat ne hæc vel illa constans, sic enim loquuntur, respondere solet: Ego vero, inquit, ut quod res est dicam, an constans sit nec ne, an fateatur nec

Q 4

ne,

ne, an nocens sit nec ne, sane nescio
neque curo: nam talis an talis sit, ad me
non spectat, sed ad Iudices : Id autem
spectat, ut qualisunque tandem fuerit
nocens an innocens, bona an pessima,
ad cœlum eam ducam: id quod Deo ad
iuante pro meo munere me factum
spero : de cætero quid me affligam &
mittam falce in messem alienam? In
ille : sed ni valde suauiter & modeste
fiat, offendi Iudices solent.

III. Periculum est, ne reueletur in-
terdum sigillum Sacramentale, aut fal-
tem reuelari videatur, quod omnino o-
mnes maxime cauendum clamant: ne-
que enim populus distinguit quid intra
quid extra confessionem acceptum sit.
Ut mirari sane subeat religiosi illius nu-
peram prudentiam, qui cum esset ordi-
narius reorum Confessor (nec de loco,
nec de persona rogare volui) publice
de suggestu in magna populi concione
pronunciare ausus est: non esse quod
Magistratus vereretur in Sagas acerri-
me procedere: sibi enim certissimo co-
stare, nullā adhuc eo in loco ad suppli-
cium

cium ductam esse, quæ culpa vacauerit. Sic ille. Mihi autem scire lubet, vnde id ei tam certo constiterit? An quia iudicio publico damnatae erant? Sed id scilicet non eque populo erat notum, nisi & sibi hoc constare concionator diceret? Amplius aliquid voluit dicere, & maiori certitudine rem firmare: Sed hæc ipsa maior certitudo vnde erat? An extra an intra confessionem hausta? si intra, vbi nunc tandem tam sacrosancti secreti ratio est? si extra autem, cur id additum non fuit, & occursum suspicioni, ne id dicere sic affirmate Confessarius non videretur, nisi quid altius certiusq; quam communi modo cognouisset? Itaque non parum scandalizatus esse populus dicitur, cùm solum hoc sacrosanctum Confessarij nomen multorum iudicia insigniter & merito irritasset. Non tam ipsum ego Confessarium hunc miror, quam religionum Superiores, qui hos tales in res difficiles exponunt, quos qua sint iudicij inopia iam tum utique exploratos habent, aut habere debent. Certe hunc ipsum hominem co intelli-

Q 5

gebam

gebam iudicio & capacitate inter suos
habitum, vt in studiis suis progredi ob-
ingenij hebetudinem non potuerit: sic
enim auditores eius deinde vestigaue-
rant & mihi narrabant. Quia ille igitur
prudentia & iudicio cum reis verfatus
sit priuatim, qui sic publice existimatio-
ni suæ parum nosset prospicere, iudicet
meus lector. Sed nimirum, ni hos tales
adhiberemus, qui importunitate sua ni-
mia reos cogerent, vt tandem victæ tæ-
dio ad redimendam vexam fateantur
quod isti per fas & nefas volunt, (sice-
nun solitum fuisse eum concionatorē,
de quo dixi, audiebam) deessent Ger-
maniæ qui inflarent credulitatem Prin-
cipum de multitudine Sagarum: Quasi
vero (quod nuper Iudici cuidam expe-
riendum obtuli) vlla tam innocens mu-
lier esse possit, etiam quæ omnia licto-
rum tormenta illuferit, quam non su-
perare huiusmodi importunitate, & a-
gendi ratione velim, vt ream sese tan-
dem apud me cōstituat, si id intendam.
Sed prohibeat me Deus. Porro imperi-
tos huiusmodi Principes audiunt, & se-
quun-

quuntur: cum tamen quidam diceret, sibi difficile non fore, in eo ipso loco, quo is homo iactabat innocentem periisse nullum, ostendere periisse plures. Sed ne tale quid vñquam à quoquam ostendatur, abunde cautum est, quod qui id moliri incipiat, suspectus fiat, aut indignationē Magistratum incurrat. Ingeniosissimum vero hoc Inuentum est inter omnia, quæ in hoc quidem genere habet orbis: nam ita omnis via præclusa ingeniis est, ne obscurissimis causis libere inferre lucem possint; quod notandum est.

DOCUMENTVM XVI. Quæri possit, quid faciat Confessarius, si (quod impossibile non est, vt vide apud Tannerum) ex confessione vel aliunde, cuiuspiam innocentiam cognouerit? An indicabit? Posset, si indicet, periculum enasci reuelandi sacramentalis sigilli, dum scilicet alios quoque audiens, de illis tacaret: nam innueret tacendo, hos igitur non esse qualis prior: Quod si periculum hoc absit, quia V. C. alios non audit, &c. atque etiam putat non frustra

apud

apud Iudicem se laboraturum, nec cau-
ſaturum reo noua tormenta, nec aliud
aliquod incommodum ſecuturum, vt
ſcandalum magnum populi, &c. non
video, cur non modo non poſſit, ſed de-
beat conari vt ſubueniat; ita enim cha-
ritas iubet, & ita Scriptura: *Erue eos, in-*
quit, qui ducuntur ad mortem, & qui tra-
buntur ad interitum, liberare ne cefſes, Pro-
verb. 24. 11. Caueat tamen ne innotescat
aliis reis, Confessorium pro innocentibus
intercedere, ne occaſionem ſumat
hinc ſacrilege conſitendi, vt ante mo-
nui docum. 13. Caueat quoque ne con-
tra Iudices quicquam agat aut dicat, ſeu
ante ſeū post mortem reorum, quod
eos infamet, aut iudicia publica pertur-
bet: Si quid erit, id non apud alios, ſed
ipſos proferat, & moneat: cum hoc uti-
que Apostolicos viros non dedecere di-
cat Apostolus, cum ait: *An nescitis quo-*
niam Angelos iudicabimus, quanto magis
ſecularia? I. Cor. 6.

DOCUMENTVM XVII. Nec minus qua-
ri poſſit quid agendum, cum quis alios
innocentes denunciauit tormentis co-

Etus:

ctus? Res intricata: sic tamen dicendum: seu grauiter peccatum sit, siue non sit, quod quis tantis tormentis viatus, innocentibus culpam afflauerit; hoc tamen certum est, teneri cum ut id reuocet quam efficaciter possit. Cum autem Iudices nihil faciant (Quam recte ipsi viderint, & tu vide infra dub. 40.) reuocationem eam, que fit a rei post latam sententiam prope mortem; tenebitur ut reuocatio sit efficax, reuocare tempestius ante latam sententiam; & hoc quidem iuxta communem sententiam, et si metuat seu prouideat se ad penas reuocandum: quia in pari sui & proximi necessitate rationem potius habere debet innocentis cui fecit iniuriam dum cum falsa accusatione inique læsit.

DOCUMENTVM XVIII. In hoc vero casu; si Titius ob apprehensionem pœnarum adduci non potest, ut sub tanto discrimine palinodiam canat, difficultas existit: dicam quod sentio: Nam

i. In primis; quid si dicat Titius, reuocationem quam immediate ante mor-

mortem ablato tormentorum metu fa-
cere palam cupiat coram populo, meri-
to sufficere , quippe quæ estimatione
prudentum maximi sit momenti , ac
proinde de se efficax? quod si vero vitio
Iudicium inefficax sit, ac proinde delati
non eximantur , id Iudicibus, non sibi
imputandum.

2. Deinde; quid si Titius tempestive
in carcere reuocationem faciat, seu vo-
ce seu scripto coram Sacerdote suo, &
altero adhuc teste : atque hic postea
cum euanuit tormentorum metus, id
est, vel immediate ante , vel post Titij
mortem, reuocationem hæc exponant
à Titio prælenti animo in conspectu Dei
& testium factam ? an non hæc saltem
sufficiens & valida censeri debet ? & si
nondum admittere eam Iudices velint,
excusatus apud Deum Titius est, & illi si
contra denunciatos procedant, iniqui
homicidæ sunt?

3. Denique; quid si clare ostendam
Titium fecisse, quod in se est, & quic-
quid tandem ab eo postules , non ta-
men futurum, ut semel accusati vlla re-
uoca-

uocatione exculpentur? Nam quid Titium vis facere? An reuocare tempestive apud Iudicem, & reductum in quæstiones, eas constater elidere persistendo in reuocatione, vt habet sententia communis, & paulo ante dixi? sed hoc frustra: nouit iam imbecillitatem suam, scit certo futurum, vt quæstiones eas non toleret, vti nec priores tolerare potuit: Rursum igitur dolori cedet, & reuocationem suam damnabit: ac sic redibitur quo prius, in easdem miserias: imo tunc tanto amplius accusati habebuntur nocentes.

Pœnitentiat igitur, & Deo commendet, & reuocet iis modis quibus potest, & dixi. Si Iudices id non curant, ipsi viderint. Id vero dolendum vehementer, quod cum plurimæ metu repetendorum tormentorum non audeant reuocare denunciatas, valde exaggerent Iudices, has utique certissimo nocentes esse, *cum tam multæ pœnitentes super eis mortuæ sint*: quis enim hæc audiens vim magnam non putet in his locutionibus inesse? Et tamen quæ vis insit,

ex

ex dictis satis patet , & infra adhuc patet.

DOCUMENTVM XIX. Proderit porro Confessariis reorum , totum hunc nostrum commentarium non oscitanter legisse, & quæ dicuntur, coram Deo sapientius cum aliquamora expendisse. Ego id cum iuramento depono, me quidem natam hactenus ad rogum duxisse, de qua omnibus consideratis prudenter statuere poterim, fuisse ream. Idem ego à duobus aliis accuratis Theologis audiui; Neque non omnem tamen Industriam adhibui, qua ad veritatem penetrarem , vt dix supra dub. II. rat. 3.

Dicam aliquid , quod audire cupiam quicunque aures audiendi habent, maxime vero sacratissimum Imperatorem,

Principes eorumq; Consiliarios: Fingatur enim de industria atrocissimum ali-

NB quod exceptum crimen quo noceri sibi vulgus apprehendat, atque eius deinde dispersa fama in id Inquisitores sele accingant iisdem viis , quibus nunc in maleficia: Aio sane; si in Germania pa-
lo post pauciores erunt eius criminis
rei,

rei, quam nunc magiæ, siftam me summo Magistratui & in flamas viuus iniiciar. Atque ego quidem si his ipsis verbis vtentem audiam vel ignorantissimum de plebe, vereri sane incipiam, ne non sine magnis causis quas ipse norit, sic loquatur: & ad minimum reflexamente hæream, & meditatione aliqua dignum putem, quod homo rationalis non plane mente deiectus, sic confidenter, cum pacatus esset, ausus eloqui sit.

D V B I V M XXXI.

An ante torturam mulieres per lictorem tonderi conueniat?

A Nte quam respondeam, oro lectorem verecundum, ut dicere cum aurium eius venia mihi liceat, quod & facere sine pudoris venia liberrime iam alicubi solent. Cum enim quæstionibus seu torturis admouenda quæ rea est, seducit eam primum in locū proximum infamis lictor, & non modo capite & axillis, sed & qua parte mulier est, accurate detondet, aut admota facula adurit.

R

Cau-